

Bosna i Hercegovina
Federacija Bosne i Hercegovine
Unsko - sanski kanton
OPĆINA KLJUČ
OPĆINSKI NAČELNIK



Bosnia and Herzegovina
Federation of Bosnia and Herzegovina
Una - Sana canton
MUNICIPALITY OF KLJUC
MAYOR OF MUNICIPALITY

**DOKUMENT OKVIRNOG BUDŽETA OPĆINE KLJUČ
ZA PERIOD 2026. - 2028. GODINE**

Ključ, juni 2025. godine

Adresa: OPĆINA KLJUČ, 79280 KLJUČ, Branilaca BiH 78
Telefon: 00387(0)37 662-054, 661-100, Fax: 661-104,
e-mail: opcinakljuc.nacelnik@gmail.com

Na osnovu članova 15; 16; 17. i 18. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 I 7/25), člana 21. Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), Općinski načelnik , d o n o s i

DOKUMENT OKVIRNOG BUDŽETA OPĆINE KLJUČ ZA PERIOD 2026. - 2028. GODINA

Uvod u Dokument okvirnog budžeta za period 2026. – 2028. godina

U skladu sa Zakonom o budžetima Federacije Bosne i Hercegovine („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 I 7/25) Dokument okvirnog budžeta Općine Ključ (DOB) predstavlja preliminarni nacrt budžeta za tekuću i naredne dvije fiskalne godine koji je kreiran u skladu sa Zakonom o budžetima FBiH i koji služi kao osnov za izradu i donošenje budžeta Općine Ključ za narednu godinu. Izrada se zasniva na procjeni ekonomskog rasta, procjeni makroekonomskih pokazatelja i projekcijama prihoda i rashoda.

Ciljevi DOB-a su:

- definisati strateški okvir za srednjoročno planiranje budžeta,
- omogućiti povezivanje trogodišnjih projekcija rashoda sa srednjoročnim prioritetima općine i time osigurati alokaciju resursa u skladu sa strateškim prioritetima,
- postaviti gornje granice resursa unutar kojih bi trebalo pripremiti godišnji budžet, te identificirati ključna budžetska opredjeljenja koja direktno utiču na mobilizaciju javnih resursa i njihovu raspodjelu u srednjoročnom periodu.

Na ovaj način, uspostavljena je obaveza srednjoročnog (trogodišnjeg) planiranja budžeta za sve nivoe vlasti i to kao kontinuiran proces koji počinje donošenjem smjernica ekonomske i fiskalne politike viših nivoa vlasti, u skladu sa kojima se vrši projiciranje ekonomskog i fiskalnog položaja Općine Ključ u narednom trogodišnjem periodu, a proces završava odobrenjem konačnog budžeta.

Postupak pripreme DOB-a počinje dostavljanjem Instrukcije broj 1. o načinu i elementima izrade DOB-a koja sadrži: osnovne ekonomske pretpostavke za pripremu DOB-a, tabele pregleda prioriteta budžetskih korisnika (Jedinstvenog općinskog organa uprave, Općinskog pravobranilaštva, JU Centar za socijalni rad, JU „Centar za kulturu i obrazovanje“ i JU „Općinski fond za komunalne djelatnosti i infrastrukturu“), te dinamiku i rokove pripreme DOB-a. Izrada DOB-a zasniva se na procjeni privrednog razvoja, razvoja socijalnog sektora, makroekonomskih indikatora i prognozi prihoda i rashoda.

U skladu sa navedenim Služba za finansije i trezor je u zakonom propisanom roku pripremila Instrukciju broj 1. i istu 22.01.2025. godine dostavila budžetskim korisnicima. U skladu sa odredbama Zakona o budžetima u Federaciji Bosne i Hercegovine DOB za period 2026. - 2028.godine. urađen je na osnovu:

- podaci i projekcije Odjeljenja za makroekonomsku analizu Uprave za indirektno oporezivanje
- podaci i projekcije Direkcije za ekonomsko planiranje (DEP)
- revidiranih projekcija javnih prihoda za 2025. godinu i projekcija za period 2026.-

2028. godina, dostavljenih od strane ministarstva finansija broj: 04-11-7459-2/2025 od 10.06.2025. godine.

- statistički pokazatelji i informacije

Trogodišnje planiranje budžeta svake godine za period od sljedeće tri godine obaveza je za sve korisnike budžetskih sredstava i prikazuje srednjoročne makroekonomske i fiskalne projekcije, srednjoročnu fiskalnu strategiju, prioritete potrošnje, te rashode budžetskih korisnika za narednu budžetsku godinu, kao i preliminarne procjene za sljedeće dvije godine za koje je izvršena projekcija prihoda.

Izrada Dokumenta okvirnog budžeta (DOB) za trogodišnji period, kao ključnog strateškog dokumenta koji veže vladine politike i budžet, je praksa na većini nivoa vlasti u Bosni i Hercegovini, pa tako i u Općini Ključ.

DOB je konačni rezultat srednjoročnog procesa planiranja i izrade budžeta u „10 koraka“ i predstavlja moderni proces srednjoročnog planiranja budžeta koji:

- ima jasno definiran budžetski kalendar i raspodjelu odgovornosti,
- ima jasnu fiskalnu strategiju zasnovanu na nivou raspoloživih vladinih resursa
- omogućava raspodjelu ograničenih resursa na najvažnije ekonomske i socijalne prioritetne politike vlade,
- unapređuje predvidivost budžetskih politika i finansiranja,
- osigurava efikasnije i djelotvornije korištenje vladinih resursa,
- unapređuje transparentnost i odgovornost vladinih politika, programa i procesa donošenja odluka,
- osigurava razmatranje finansijskih učinaka u narednim godinama, pri donošenju odluka u vezi sa politikama, te donošenje tih odluka tokom ciklusa planiranja budžeta.

Najvažniji cilj u narednom srednjoročnom periodu je očuvanje i dalje jačanje makroekonomske stabilnosti Federacije BiH. U planiranju vlastitog napretka, mora se početi od reformi u socijalnom i ekonomskom sektoru. Trebaju se stvarati uslovi i pretpostavke za punu zaposlenost radne snage i korištenje proizvodnih kapaciteta, koji bi trebali dati krajnji rezultat, povećanje bruto domaćeg proizvoda.

Makroekonomska stabilnost Federacije BiH može biti ugrožena ako bi se nastavilo akumuliranje fiskalnih deficita i nekontrolirano zaduživanje te visoki deficiti tekućeg računa, pa se stoga moraju preduzeti mjere za prilagođavanje uslovima koje diktira postojanje valutnog odbora sa ciljem da se doprinese stabilnosti valute i cijena. Osnova za izradu budžeta zasniva se i na procjeni privrednog razvoja, razvoja socijalnog sektora, makroekonomskih pokazatelja, te prognozi prihoda i rashoda za godine koje su obuhvaćene Dokumentom okvirnog budžeta. Još jedan bitan cilj Dokumenta okvirnog budžeta je i da osigura sveobuhvatan i konsolidovan okvir planiranja rashoda na nivou općine. Dokument okvirnog budžeta za period 2026.-2028. godina izlaže fiskalnu strategiju i budžetske planove za sljedeće tri godine i ima za cilj da razvije bolju stratešku osnovu za pripremu budžeta.

Služba za finansije i trezor općine Ključ, predlaže Općinskom načelniku da razmotri i usvoji Dokument okvirnog budžeta općine Ključ za period 2026.- 2028. godina kao osnov za pripremu, planiranje i izradu budžeta općine Ključ za fiskalnu 2026. godinu

Strateški ciljevi ekonomske i fiskalne politike Federacije BiH

Put ka integriranju u Europsku uniju jedan je od najznačajnijih ekonomsko - političkih ciljeva Bosne i Hercegovine. Otvaranjem pristupnih pregovora sa Europskom unijom potvrđena je europska budućnost Bosne i Hercegovine. Slijedi faza usvajanja pregovaračkog okvira koji iziskuje ispunjavanje 14 ključnih prioriteta. Da bi se nastavio uspješan proces integracije u Europsku uniju neophodno je stvoriti uvjete za ispunjavanje preostalih kriterija. Stoga, strateški ciljevi ekonomske i fiskalne politike Bosne i Hercegovine, te stoga i Federacije BiH moraju biti usklađeni sa postavljenim kriterijima.

Temeljni strateški dokument koji usmjerava razvoj Federacije Bosne i Hercegovine je Strategija razvoja Federacije BiH 2021. – 2027. godine, koja definira osnovnu platformu socioekonomskog razvoja Federacije BiH i na kojoj se temelje strateški ciljevi, programi i prioritetne aktivnosti, kao i relevantne sektorske strategije. Pomenutom strategijom definirana su četiri razvojna cilja:

1. ubrzan ekonomski razvoj,
2. prosperitetan i inkluzivan društveni razvoj,
3. resursno efikasan i održiv razvoj,
4. transparentan, efikasan i održiv javni sektor.

Pored razvojnih ciljeva Federacije BiH neophodno je napomenuti i akcelatore koji donose najveći razvojni efekat Federaciji BiH, te doprinose rastu produktivnosti i socioekonomskom razvoju. Akceleratori ubrzanog razvoja Federacije BiH su: inovacije i digitalizacija, otvaranje i razvoj poduzeća te finansijski sustav i javne finansije.

Realizacija ovih ciljeva u neposrednoj je vezi sa Strategijom reforme upravljanja javnim finansijama Federacije BiH 2021. – 2025. godine, Programom rada Vlade FBiH za razdoblje 2023. – 2026. godine, Programom ekonomskih reformi FBiH za period 2024. – 2026. godine, Strategijom zapošljavanja u FBiH 2023. – 2030. godine, Strategijom upravljanja dugom u FBiH 2023. – 2025. godine; te drugim sektorskim strategijama koje podupiru implementaciju postavljenih ciljeva.

Programom ekonomskih reformi Federacije BiH za period 2024. – 2026. godine, planiran je set strukturnih reformi koje trebaju odgovoriti na globalne izazove i ubrzati integraciju Bosne i Hercegovine u Europsku uniju. Strukturne reforme podrazumijevaju promjenu ustroja gospodarstva tj. institucionalnog i regulatornog okvira poslovanja. Njihova osnovna svrha jeste osnaživanje gospodarstva i ostvarivanje uravnoteženog potencijalnog rasta. U Programu ekonomskih reformi Federacije BiH za period 2024. – 2026. godine definisane su strukturne reforme koje se odnose na sljedeće tri oblasti:

- konkurentnost,
- otpornost i održivost,
- ljudski kapital i socijalne politike.

Vlada Federacije BiH je u prethodnoj godini donijela i Strategiju zapošljavanja u Federaciji BiH 2023. – 2030. godine i ista je harmonizirana sa Strategijom razvoja Federacije BiH 2021. - 2027. godine. Strategijom zapošljavanja data je detaljna

dijagnostika tržišta rada gdje su niske stope zaposlenosti, kao i visoke stope nezaposlenosti identificirane kao glavni ekonomski i društveni izazovi u zemlji. Opći cilj Strategije zapošljavanja u FBiH 2023. – 2030. godine je promovirati mogućnost dostojanstvenog rada, a vizija ovog cilja je inkluzivno tržište koje svima daje priliku da realiziraju svoj potencijal i povećaju životni standard. U Strategiji zapošljavanja u Federaciji BiH 2023. – 2030. godine fokus je na razvijanju sustava za praćenje i predviđanje potreba za vještinama na tržištu rada, kako bi se olakšalo usklađivanje sustava obrazovanja sa potrebama na tržištu rada.

Ekonomski rast

Ekonomski rast na Zapadnom Balkanu će, prema predviđanjima, umjereno usporiti u 2025. godini, i to zbog slabije vanjske potražnje i ekonomske neizvjesnosti koju donosi daljnji razvoj globalnih trgovinskih politika. To bi moglo negativno utjecati na povjerenje privrede i potrošača, navodi se u Redovnom ekonomskom izvještaju Svjetske banke za Zapadni Balkan. Svjetska banka predviđa da će ukupna stopa ekonomskog rasta Albanije, Bosne i Hercegovine, Crne Gore, Kosova, Sjeverne Makedonije i Srbije dostići 3,2 posto u 2025, što je za 0,5 procentnih poena niže u odnosu na prethodne projekcije. U 2026. se očekuje ubrzanje rasta na 3,5 posto.

Prema procjenama, realni rast u Bosni i Hercegovini se u 2024. godini poboljšao, dosegnuvši stopu od 2,6 posto, nakon 1,9 posto u 2023, što je odraz dva međusobno suprotstavljena faktora.

Prvo, domaća potražnja je, uslijed veće potrošnje i većih investicija, porasla za 4,4 posto. Drugo, neto izvoz je smanjen za 23 posto zbog pogoršanja uvjeta trgovine i povećanja uvoza povezanog s investicijama.

Usporavanje inflacije je povećalo realni raspoloživi dohodak i privatnu potrošnju. Inflacija je u 2024. usporila na 1,7 posto, a godinu ranije zabilježeno je 6,1 posto. Cijene većine vrsta robe i usluga su rasle brže od cijena hrane, zbog čega je u 2024. osnovna inflacija (2,8 posto) prerasla inflaciju cijena hrane (2,1 posto). Usporavanje inflacije je rezultiralo padom cijena prijevoza i usporavanjem rasta cijena stanovanja, vodosnabdijevanja, električne energije i plina.

Projekcije makroekonomskih pokazatelja

Prema projekcijama Direkcije za ekonomsko planiranje (DEP) u 2025. godini se očekuje realni rast BDP-a od 2,7% u BiH. U DEP-u navode da bi domaća tražnja kroz povećanje potrošnje i investicija trebala predstavljati glavno uporište projektiranog ekonomskog rasta, uz pozitivniji doprinos vanjskog sektora u odnosu na 2024. godinu.

Projektirana stopa realnog rasta finalne potrošnje u 2025. godini iznosi 2,1% a investicija 4,5%. Očekivana stopa realnog rasta izvoza iznosi 3,4%, a uvoza 3,6%. Prema projekcijama DEP-a, u 2026., 2027. i 2028. godini se očekuju stope realnog rasta BDP-a od 3%, 3,1% i 3,3%, respektivno.

Kao i u 2025. godini, privatna potrošnja i investicije predstavljaju ključni oslonac prognozirano ekonomskog rasta tijekom ovog razdoblja. Tako se u razdoblju od

2026. do 2028. godine očekuje prosječna stopa rasta privatne potrošnje od 1,8% , te prosječni rast javne potrošnje po istoj stopi na godišnjoj razini. U navedenom razdoblju se očekuje povećanje investicija po prosječnoj godišnjoj stopi rasta od oko 5,3%, nešto niži prosječni godišnji rast izvoza od oko 4,3%, te sporija prosječna godišnja stopa rasta uvoza od 3,4%.

Trendovi naplate prihoda od indirektnih poreza u aprilu 2025. godine

Prihodi od indirektnih poreza za četiri mjeseca 2025. godine iznosili su 3 milijarde i 749 milijun KM i veći su za 147 milijuna KM ili 4,08 % u odnosu na isto razdoblje 2024. godine kada su iznosili 3 milijarde i 602 milijuna KM.

Uprava je u prva četiri mjeseca 2025. godine izvršila povrat PDV-a obveznicima koji su ostvarili zakonsko pravo na povrat u iznosu od 738 milijuna KM.

Neto prikupljeni prihodi koji su otišli u raspodjelu korisnicima za četiri mjeseca 2025. godine, a to su država, entiteti i Distrikt Brčko, iznosili su 3 milijarde i 12 milijuna KM i veći su za 3,46 % u odnosu na prihode raspoređene korisnicima za četiri mjeseca 2024. godine.

U aprilu 2025.godine prikupljeno je 998 milijuna KM indirektnih poreza što je za 26 milijuna KM, ili 2,69 % više u odnosu na april 2024. godine.

Projekcije prihoda od indirektnih poreza za razdoblje 2025-2028 godina

Projektirana naplata prihoda od indirektnih poreza u 2025. godini iznosi 9.920,6 mil KM, što je za 5% više nego u prethodnoj godini. Projektirane stope rasta neto prihoda od indirektnih poreza za 2026., 2027. i 2028. godinu iznose 4,2%, 4,6% i 4,3% respektivno. Projekcija prihoda u navedenom razdoblju zasnovana je na projektiranim relevantnim makroekonomskim pokazateljima, historijskoj sezonskoj shemi naplate i projekcijama pojedinih kategorija prihoda za 2025. godinu.

U 2024. godini naplaćeno je 9.448,6 mil KM prihoda od indirektnih poreza. U revidiranim projekcijama iz oktobra 2024. godine bilo je planirano da će se prikupiti 9.365,8 mil KM. Razlika ostvarenih prihoda i projekcije iz oktobra 2024. iznosi +82,8 mil KM. Kumulativna stopa rasta prihoda od indirektnih poreza za jedanaest mjeseci 2024. godine u odnosu na isto razdoblje prethodne godine iznosila je 11%, što je tačno odgovaralo projektiranoj stopi rasta na razini godine. Međutim, u decembru 2024. je ostvaren rast prihoda od visokih 23,2% u odnosu na isti mjesec prethodne godine, što je kumulativnu stopu rasta za dvanaest mjeseci podiglo na 12%. Promatrano u apsolutnim iznosima, neto prihodi od indirektnih poreza su u decembru 2024. porasli za 160,6 mil KM. Snažan rast neto prihoda u decembru rezultat je visokog rasta prihoda od trošarina na duhan, carina i PDV-a na uvoz, te smanjenja isplata povrata.

Projekcija rasta BDP-a, po posljednjim projekcijama Direkcije za ekonomsko planiranje za period 2025-2028 godina:

	Zvanični podaci	Projekcija				
	2023	2024	2025	2026	2027	2028
Nominalni rast	11,7	5,2	5,6	4,9	4,9	5,2
Realni rast	1,9	2,5	2,7	3,0	3,1	3,3

Strukturu javnih prihoda Budžeta čine:

- prihodi po osnovu indirektnih poreza,
- prihodi po osnovu direktnih poreza
- neporeznih prihoda u vidu :
 - prihoda od poduzetničke aktivnost i imovine
 - naknade i takse
 - novčane kazne
 - posebne naknade koje se ostvaruju, prikupljaju i raspoređuju prema važećim zakonskim propisima Federacije Bosne i Hercegovine
- tekući i kapitalni transferi i donacije

Projekcije prihoda od indirektnih poreza 2025-2028 (osnovni scenarij)

Vrsta prihoda (neto)	U mil KM					Projektovana stopa rasta			
	Izvršenje	Projekcija							
	2024	2025	2026	2027	2028	2025	2026	2027	2028
PDV	6.227,1	6.552,0	6.842,0	7.174,9	7.475,9	5,2%	4,4%	4,9%	4,2%
Akcize	1.851,7	1.929,9	2.011,2	2.098,0	2.193,7	4,2%	4,2%	4,3%	4,6%
Carine	580,1	649,9	677,2	712,4	750,8	12,0%	4,2%	5,2%	5,4%
Putarina	732,3	739,5	761,6	785,3	811,2	1,0%	3,0%	3,1%	3,3%
Ostalo	57,4	49,4	49,4	49,4	49,4	14,1%	0,0%	0,0%	0,0%
Ukupno	9.448,6	9.920,6	10.341,3	10.819,9	11.280,9	5,0%	4,2%	4,6%	4,3%
Namjenska putarina	-457,4	-462,2	-476,0	-490,8	507,0	1,0%	3,0%	3,1%	3,3%
Sredstva za raspodjelu	8.991,20	9.458,5	9.865,3	10.329,1	10.773,9	5,2%	4,2%	4,7%	4,3%

Prihodi od PDV-a predstavljaju najveći generator godišnjeg apsolutnog rasta ukupnih prihoda od indirektnih poreza u razdoblju 2025-2027. Prihodi od PDV-a u navedenom razdoblju projektirani su u skladu sa dugoročnim trendovima naplate, historijskom sezonskom shemom te projekcijama relevantnih makroekonomskih pokazatelja.

Na osnovu projekcija makroekonomskih pokazatelja, kretanja cijena na svjetskom tržištu nafte i cijena derivata na tržištu BiH, te posljednjih trendova naplate akciza i sezonske sheme naplate koja ne uključuje godine sa specifičnostima, projektirana stopa rasta neto prihoda od akciza na derivate nafte za 2025. godinu iznosi 1,9%.

Prema podacima UIO u razdoblju I-III 2025. godine ostvarena je stopa rasta uvoza od 5,5% u odnosu na isto razdoblje prethodne godine. Prema projekcijama DEP-a, na razini godine će biti ostvarena nešto niža stopa rasta uvoza od 5,1%. Imajući u vidu trendove naplate prihoda od carina, kretanje uvoza i projekcije DEP-a, za 2025. godinu se projektira neto naplata carina u iznosu od 649,9 mil KM, što je za 12% više od naplate u prethodnoj godini.

Projektirani iznos neto naplate putarine u 2025. godini iznosi 739,5 mil KM, što je za 1% više nego u prethodnoj godini. U skladu sa rješenjima Vijeća za državnu pomoć, projekcije prihoda od putarine podrazumijevaju naplatu putarine za sve obveznike, osim za željeznice. U 2026., 2027. i 2028. godini planirane su stope rasta prihoda putarine od 3%, 3,1% i 3,3%, respektivno.

Projekcije prihoda od indirektnih poreza u % BDP-a

Vrsta prihoda (neto)	U % BDP-a				
	Izvršenje	Projekcija			
	2024	2025	2026	2027	2028
PDV	11,6%	11,6%	11,5%	11,5%	11,4%
Akcize	3,5%	3,4%	3,4%	3,4%	3,3%
Carine	1,1%	1,1%	1,1%	1,1%	1,1%
Putarina	1,4%	1,3%	1,3%	1,3%	1,2%
Ostalo	0,1%	0,1%	0,1%	0,1%	0,1%
Ukupno	17,6%	17,5%	17,4%	17,4%	17,2%
Namjenska putarina	-0,9%	-0,8%	-0,8%	-0,8%	-0,8%
Sredstva za raspodjelu	16,8%	16,7%	16,6%	16,6%	16,4%

Rizici

Imajući u vidu ogromne nepoznanice u trenutku izrade projekcija o daljem odvijanju situacije na međunarodnom planu vezano za ratna dešavanja u svijetu, te korištene pretpostavke (DEP, makroekonomske projekcije), ističemo da postoje značajni rizici za ostvarenje projekcija prihoda od indirektnih poreza. S obzirom na osnovne postavke projekcija indirektnih poreza i ukupne ekonomske uvjete u BiH i u svijetu, ostvarenje projektirane razine prihoda od indirektnih poreza u razdoblju 2025-2028 je podložno sljedećim rizicima:

- (1) svim rizicima za ostvarenje projektiranih makroekonomskih pokazatelja (DEP)
- (2) rizicima koji se odnose na samu naplatu prihoda od indirektnih poreza i borbu protiv sive ekonomije.

Projekcije prihoda od indirektnih poreza su usko vezane za projekcije makroekonomskih pokazatelja DEP-a. Svi rizici koje DEP spominje u svojim projekcijama po automatizmu predstavljaju i rizike za projekcije prihoda od indirektnih poreza, pošto svako odstupanje realizacije DEP-ovih parametara od njihovih projektiranih vrijednosti neizbježno dovodi i do odstupanja realiziranih od projektiranih prihoda od indirektnih poreza.

Izmjene Zakona o PDV-u kojima se uvodi pravo na povrat PDV-a na kupovinu prvog stambenog objekta stupile su na snagu 12.04.2025., ali će se primjenjivati nakon stupanja na snagu izmjena Pravilnika o primjeni Zakona o PDV-a, kojima će se precizirati uvjeti za primjenu prava na povrat PDV-a. Iz tog razloga nije moguće procijeniti statičke efekte na naplatu indirektnih poreza u smislu gubitaka prihoda od PDV-a. Međutim, dinamička analiza za naredne godine trebala bi uzeti u obzir procjene kretanja makroekonomskih pokazatelja, te cjenovnu elastičnost potražnje za stanovima. Kao mogući rizik elastične potražnje za stanovima jeste neutralizacija pozitivnih efekata povrata PDV-a za fizičke osobe. S obzirom da se radi o značajnom iznosu olakšice rast potražnje za stanovima izazvane pravom na povrat PDV-a može imati za posljedicu rast cijena stanova, što može odvratiti potencijale kupce od kupovine stanova (odlaganjem ili odustajanjem od kupovine), kao i ostale kupce koji ne bi imali pravo na povrat PDV-a. To bi, u konačnici, moglo anulirati olakšicu koja se odobrava kupcima stanova, čime bi se izgubio osnovni cilj izmjene Zakona o PDV-u.

Prijedlog ukidanja carina na uvoz roba porijeklom iz SAD u BiH podrazumijeva privremeno ukidanje carina do potpisivanja sporazuma o slobodnoj trgovini između BiH i SAD. Prema statičkoj procjeni, koja je zasnovana na podacima UIO o naplaćenim uvoznim pristojbama prema porijeklu robe u 2024., gubici prihoda od indirektnih poreza bi iznosili 17,2 mil KM, u čijoj strukturi se 14,7 mil KM odnosi na prihode od carina, a ostatak na pripadajući PDV-e. Dinamička procjena gubitka prihoda uzima u obzir sve pretpostavke koje su korištene prilikom izrade projekcija prihoda od carina i prihoda od PDV-a u razdoblju 2025-2028. U navedenom razdoblju ukupni gubici prihoda od indirektnih poreza (carine i PDV-e) bi se kretali od 19,1 mil KM u 2025. do 22 mil KM u 2028., što predstavlja 2,5% prihoda od carina, 0,2% ukupnih prihoda od indirektnih poreza, odnosno 0,03% BDP.

Rješenja Vijeća za državnu pomoć BiH u vezi oslobađanja putarine za rudnike i termoelektrane nose određene rizike po naplatu indirektnih poreza. Imajući u vidu rješenja Vijeća projekcije prihoda od putarine za razdoblje 2025-2028 podrazumijevaju naplatu putarine za sve obveznike, osim za željeznice. Drugačiji ishod eventualnih pravnih postupaka korisnika porezne olakšice podrazumijevao bi manju naplatu putarine u odnosu na projekcije, odnosno, obvezu povrata prethodno plaćene putarine obveznicima. S druge strane, povrat olakšice bi imao pozitivan efekat na naplatu prihoda od putarine. Imajući u vidu nepoznanice u vezi dinamike naplate povrata i trajanja eventualnih pravnih postupaka s tim u vezi, povrat olakšice nije uključen kao jednokratni dodatni prihod u projekcije prihoda za razdoblje 2025-2028.

U rizike koji mogu ugroziti izvršenje projekcija naplate prihoda od indirektnih poreza u sferi politike i administriranja indirektnim porezima možemo ubrojati sljedeće:

- Slabljenje borbe protiv crnog tržišta duhanskih prerađevina nakon okončanja harmonizacije poreznog opterećenja cigareta u BiH sa standardima EU;
- Slabljenje borbe protiv PDV prijevara, pogotovo u sferi povrata, koji, u situaciji pada zaposlenosti i nelikvidnosti obveznika postaju atraktivni za prijevare;
- Predlaganje izmjena politike indirektnog oporezivanja kao što su: diferencirane stope PDVa, privremeno ukidanje akciza na derivate, zahtjevi za oslobađanjem ili isplatu povrata za promet u zemlji i sl.

Projekcije općinskih prihoda

U ovom poglavlju su date projekcije općinskih prihoda koji se planiraju za finansiranje javne potrošnje u toku srednjoročnog perioda, koje su napravljene na osnovu procijenjenih makroekonomskih pokazatelja i postojećih poreskih politika.

Vrsta prihoda	Naziv prihoda	Ostvareno	Plan	Projekcija		
		2024	2025	2026	2027	2028
	I. Porezni prihodi	3.703.773	3.872.498	3.723.320	3.941.500	4.132.840
717	Prihodi od indirektnih poreza	2.744.976	2.928.955	2.765.959	2.963.042	3.135.475
711	Porez na dobit	205	30	61	58	65
714	Porezi na imovinu	285.984	223.000	215.000	215.000	215.000
716	Porez na dohodak	672.608	720.298	742.300	763.400	782.300
719	Ostali porezi	0	215	0	0	0
	II. Neporezni prihodi	2.078.442	2.647.935	2.341.000	2.121.900	2.243.000
721	prihodi od poduzetničkih akt. i imovine	69.740	156.230	90.800	91.800	92.800
722	Naknade i takse, vlastiti prihodi	2.007.302	2.490.705	2.250.200	2.030.100	2.150.200
723	Novčane kazne	1.400	1.000	0	0	0
	III. Tekući transferi	2.538.968	6.323.607	1.869.600	2.270.400	1.865.100
732	Tekući transferi	727.009	1.314.487	1.015.500	1.065.200	995.100
733	Donacije	129.689	94.154	104.100	155.200	180.000
742	Kapitalni transferi	1.682.270	4.914.966	750.000	1.050.000	690.000
	UKUPNO PRIHODI (I+II+III)	8.321.183	12.844.40	7.933.920	8.333.800	8.240.940
81	KAPITALNI PRIMICI		150.000	150.000	70.000	80.000
811	od prodaje stalnih sredstva	142.590	150.000	150.000	70.000	80.000

UKUPNO PRIHODI I PRIMICI	8.463.773	12.994.040	8.083.920	8.403.800	8.320.940
Prihodi od indirektnih poreza –dc	289.804	320.000	295.000	301.200	310.100
Prenijeti saldo na žiro računu (dio sredstava sa podračuna-sredstva posebne namjene)					
Sveukupno	8.463.773	12.994.040	8.083.920	8.403.800	8.320.940

U projekciju za 2026.-2028. godinu su planirani prihodi bez prenosa neutrošenih namjenskih sredstava iz prethodnih godina.

Prihodi od indirektnih poreza iz raspodjele sa jedinstvenog računa

VRSTA PRIHODA	PROJEKCIJA			
	2025	2026	2027	2028
1. Prihodi od indirektnih poreza sa JR	285.042.169	308.621.054	330.611.183	349.851.017
1.1. Kantonalni budžet	239.575.607	259.393.466	277.875.990	294.046.913
1.2. Općinski/gradski budžeti	45.466.562	49.227.587	52.735.193	55.804.104
1.2.1. Bihać	8.192.072	8.869.726	9.501.719	10.054.669
1.2.2. Bosanska Krupa	4.341.386	4.700.509	5.035.433	5.328.469
1.2.3. Bosanski Petrovac	1.423.405	1.541.150	1.650.962	1.747.039
1.2.4. Bužim	3.393.698	3.674.427	3.936.240	4.165.309
1.2.5. Cazin	12.136.403	13.140.335	14.076.621	14.895.806
1.2.6. Ključ	2.554.638	2.765.959	2.963.042	3.135.475
1.2.7. Sanski Most	6.401.578	6.931.121	7.424.983	7.857.078
1.2.8. Velika Kladuša	7.023.381	7.604.360	8.146.193	8.620.258

Prihodi od poreza na imovinu

Naplata prihoda koji se odnose na oporezivanje posjedovanja i prometa imovinom uključuju, porez na imovinu, porez na naslijeđe i poklone, te porez na promet nepokretnosti. U Federaciji BiH navedeni prihodi su trenutno regulisani kantonalnim zakonima i propisima jedinica lokalne samouprave.

Pri planiranju ovih prihoda Služba za finansije i trezor je koristila ostvarenje prihoda u 2023. i 2024 godini, kao i ostvarenje prihoda u proteklom periodu (prvih pet mjeseci) 2025. godine uz pretpostavku ostvarenja do kraja budžetske 2025. godine.

Porez na dohodak

Projekcija prihoda od poreza na dohodak u kontekstu Zakona o porezu na dohodak čija je primjena započela od 01.01.2009. godine, urađena je u skladu sa projekcijama dobijenih od strane viših nivoa vlasti. U okviru reforme poreznog sistema u BiH donešen je Zakon o porezu na dohodak („Službene novine FBiH“ broj 10/08, 9/10, 44/11, 7/13 i 65/13), s kojim je regulisano oporezivanje dohotka fizičkih lica, a zamjenio je dosadašnji neujednačeni način oporezivanja ovih prihoda na osnovu Federalnih propisa (Zakon o porezu na plaću „Službene novine FBiH“ broj 26/96, 27/97, 12/98, 29/00, 54/00, 16/01, 7/02, 27/02 i 6/04), te Kantonalnih propisa (Zakon o porezima USK-a „Službeni glasnik USK-a“ broj 9/99, 8/00 i 3/07) i time se napravio još jedan korak prema modernizaciji porezne

politike i uspostavljanja jedinstvenog prostora BiH. Ovi prihodi su projicirani u 2026. godini u iznosu od 742.300,00 KM, u 2027. godini 763.400,00 KM, a u 2028. godini u iznosu 782.300,00 KM.

Projekcije za 2026. godinu zasnovane su na izvršenju prihoda po osnovu poreza na dohodak u periodu januar - maj 2025. godine i očekivanom planu ostvarenja do kraja godine. Osnov projekcije za period 2026-2028. godina je historijski trend naplate ovih prihoda i predviđanja kretanja makroekonomskih pokazatelja u navedenim periodima ne uključujući moguće izmjene zakona u ovoj oblasti.

Prihodi od indirektnih poreza

U Budžet Općine Ključ prema Zakonu o pripadnosti javnih prihoda od indirektnih poreza uplaćuje se dio poreza na dodanu vrijednost (PDV), dio poreza koji pripada Direkciji cesta i dio poreza za finansiranje autocesta u FBiH, a uplaćuje se prema zakonom određenim kriterijima jedinicama lokalne samouprave. Najznačajniji u ovoj grupi prihoda je prihod od PDVa, koji je u DOB-u planiran u skladu sa projekcijama prihoda za jedinice lokalne samouprave, koje je izradilo Federalno ministarstvo finansija na osnovu informacija dobijenih od strane Uprave za indirektno oporezivanje.

Općini Ključ su projicirani prihodi od poreza na dodanu vrijednost (PDV) u iznosu od 2.554.638,00 KM za 2025. godinu, 2.765.959,00 za 2026. godinu, 2.963.042,00 KM za 2027 godinu, iznos od 3.135.475.,00 KM za 2028. godinu. Što se tiče projekcije prihoda od indirektnih poreza koji pripadaju Direkciji za ceste, isti su projicirani u iznosu od 295.000 KM za 2026. godinu, u 2027. godini 301.200 KM, a u 2028 godini iznos od 310.100,00 KM.

Neporezni prihodi

Neporezni prihodi općine uključuju takse i naknade, vlastite prihode i novčane kazne. Najveće učešće imaju općinske komunalne takse, kao i općinske komunalne naknade.

Planirani neporezni prihodi u 2025. godini iznose 2.647.935,00 KM; projekcije u 2026. godini 2.341.000,00 KM; u 2027. godini 2.121.900,00 KM, a u 2028. godini 2.243.000,00 KM.

Projicirani prihodi u 2026, 2027 i 2028 godini su manji u odnosu na 2025 godinu iz razloga što su planirani prihodi koji se odnose samo na tu godinu, bez prenošenja namjenskih prihoda iz prethodnih godina.

Donacije se planiraju za sufinansiranje smještaja štíćenika u ustanove socijalne zaštite i donacije građana za infrastrukturne projekte.

Tekući transferi se planiraju za beneficije socijalne zaštite; naknade za roditelje-njegovatelje, obilježavanje značajnih datuma i događaja

Kapitalni transferi se planiraju za realizaciju određenih projekata od sredstava sa viših nivoa vlasti.

Politika rashoda

U ovom poglavlju je opisana politika javnih rashoda i dat kratak pregled ključne problematike vezane za oblasti upravljanja resursima javnog sektora. Data je analiza strukture javnih rashoda po glavnim ekonomskim stavkama i trendovi njihovih kretanja tokom protekle dvije godine. Ova analiza je važan element procesa srednjoročnog planiranja budžeta jer daje kontekst i osnovu za izradu planova budžetske potrošnje i gornjih granica rashoda.

U skladu sa planiranim okvirom raspoloživih sredstava i prihvaćenom politikom javnih rashoda, u ovom poglavlju date su preporuke o strukturi budžetske potrošnje za naredni trogodišnji period po glavnim ekonomskim stavkama. S tim u vezi, detaljno su razmotrene pojedine kategorije troškova, uključujući plaće i naknade, materijalne troškove, transfere i kapitalnu potrošnju unutar budžeta Općine Ključ.

Kao i prethodnih godina, planiranje budžeta će se oslanjati na načela stabilizacijskog djelovanja fiskalne politike kroz smanjenje javne potrošnje. Općina Ključ je čvrsto opredijeljena za nastavak provođenja mjera štednje javne potrošnje u periodu 2026.- 2028.godine, čiji je osnovni cilj održavanje stabilnog fiskalnog sistema, održavanje budžetske ravnoteže i kontrola javne potrošnje.

Mjere štednje javne potrošnje će se nastaviti provoditi kao i u prethodnim godinama, kroz ograničavanje rasta tekućih rashoda, uz istovremeno nastojanje očuvanja socijalne pravednosti i zaštite najugroženijih grupa stanovništva i boračkih populacija, te osiguranje aktivnog doprinosa povećanju investicionih aktivnosti.

Ovo uključuje veću kontrolu troškova materijala i usluga, restriktivno planiranje i veću kontrolu tekućih i kapitalnih transfera, kao i realno planiranje nabavke stalnih sredstava.

Projekcije rashoda i izdataka općine Ključ za period 2026- 2028. godina

OPIS	Ostvareno	Plan	Projekcija		
	2024	2025	2026	2027	2028
UKUPNI RASHODI	6.611.052	7.815.101	7.334.954	7.488.481	7.817.532
Ukupni troškovi plata i naknada	3.369.523	3.688.072	3.758.488	3.961.215	4.156.366
Plate i naknade zaposlenih	2.436.533	2.792.189	2.836.546	2.985.665	3.129.196
Naknade zaposlenih	674.624	593.486	616.213	661.647	705.236
Doprinosi poslodavca	258.366	302.397	305.729	313.903	321.934
Izdaci za materijal i usluge	1.868.696	2.683.117	2.576.764	2.582.964	2.654.864
Transferi	1.178.465	1.389.424	841.000	787.000	856.000
Transferi drugim nivoima vlasti	62.354	13.000	67.000	10.000	68.000
Transferi pojedincima	446.115	645.850	73.000	75.000	75.000
Grantovi neprofitnim organizacijama	317.150	409.800	391.000	392.000	403.000
Subvencije JP	143.420	85.000	75.000	75.000	75.000
Ostali transferi	209.426	235.774	235.000	235.000	235.000
Kapitalni grantovi	193.133	53.182	157.396	155.996	148.996
Izdaci za kamate	1.235	1.306	1.306	1.306	1.306
Kapitalni izdaci	2.217.841	5.178.939	748.966	915.319	503.408
Nabavka stalnih sredstava	2.204.655	5.164.089	734.116	900.469	488.558

Izdaci za otplatu duga	13.186	14.850	14.850	14.850	14.850
Budžetska rezerva	30.650	32.000	32.000	33.000	34.000
UKUPNI RASHODI I IZDACI	8.828.893	12.994.040	8.083.920	8.403.800	8.320.940

Ostvareni rashodi i izdaci u 2024. godini su iznosili 8.828.893,00 KM; planirani rashodi i izdaci u 2025. godini iznose 12.994.040,00 KM, dok procirani rashodi i izdaci u 2026. godini iznose 8.083.920,00 KM; u 2027. godini 8.403.800,00 KM, a u 2028. godini 8.320.940,00 KM.

Posmatrajući rashode i izdatke po ekonomskoj klasifikaciji primjetno je veće odstupanje kod nabavke stalnih sredstava, koji su uvjetovani planiranjem grantova od viših nivoa vlasti.

Procentualno učešće rashoda i izdataka u ukupnim rashodima i izdacima

God.	Plaće i naknade	Izdaci za materijal i usluge	Tekući transferi	Izdaci za kamate	Kapitalni transferi	Nabavka stalnih sredstava	Otplata dugova
2024.	38,16	21,16	13,35	0,01	2,19	24,97	0,15
2025.	28,38	20,73	10,69	0,01	0,41	39,74	0,11
2026.	46,49	31,87	10,40	0,02	1,94	9,08	0,18
2027.	47,13	30,73	9,36	0,02	1,85	10,71	0,17
2028.	49,95	31,91	10,29	0,02	1,79	5,87	0,18

Plaće za organ uprave će se obračunavati na osnovu sklopljenog Sporazuma između Općinskog načelnika i Sindikalne organizacije organa uprave.

Plaće za javne ustanove će se obračunavati na osnovu Odluke o davanju saglasnosti za obračun plaće koju donosi Općinski načelnik.

U periodu 2024-2028 godina izdvajanja za naknade uposlenih su veće zbog planiranja otpremnina uposlenih kojih ima najviše u period 2025-2027, kao i porasta mjesečne neto place, koja se odražava na visinu toplog obroka, regresa, pomoći u slučaju smrti, naknade za slučaj teških bolesti ili invalidnosti.

Izdaci za materijal i usluge

Ostvareni izdaci za materijal i usluge u 2024. godini su iznosili 1.868.696,00 KM, planirani u 2025. godini 2.683.117,00 KM, procijenjeni u 2026. godini 2.576.764,00 KM, u 2027. godini 2.582.964,00 KM, a u 2028. godini 2.654.864,00 KM.

Tekući transferi

Ostvareni izdaci za tekuće transfere u 2024. godini su iznosili 1.178.465,00 KM, planirani u 2025. godini 1.389.424,00 da bi procijenjena potrošnja u 2026. godini iznosila 841.000,00 KM, u 2027. godini 787.000,00 KM i u 2028. godini 856.000,00 KM.

Najveće povećanje u tekućim transferima otpada na transfere pojedincima (povećanje broja korisnika socijalne zaštite, kao i uvođenje novih oblika davanja na osnovu Zakona o socijalnoj zaštiti, zaštiti civilnih žrtava rata i zaštiti porodice sa djecom.

Kapitalni grantovi i kapitalni izdaci

Kapitalni grantovi i kapitalni izdaci najvećim dijelom zavise od: sredstava koje doznavaču viši nivoi vlasti, visine vodnih naknada, koncesija, prihoda od indirektnih poreza na ime finansiranja auto cesta u F BiH, prihoda od indirektnih poreza koji pripadaju Direkciji za ceste, te od cestovnih naknada.

Na osnovu Strategije razvoja općine Ključ 2021-2027 godina, tabelarno su prikazani projekti koji su planirani za period 2025-2027 godina.

Ciljevi, prioriteti, mjere	2025.		2026.		2027.	
	Budžet	Ostali izvori	Budžet	Ostali izvori	Budžet	Ostali izvori
SC: 1. Resursno efikasan i unaprijeđen poslovni ambijent	70.926,00	464.500,00	26.500,00	111.500,00	21.500,00	111.500,00
Prioritet 1.1. Unaprijeđen poslovni ambijent na području općine	25.313,00	407.500,00	24.500,00	101.500,00	19.500,00	101.500,00
Mjera 1.1.1. Pобољшanje uslova privrednog razvoja	20.813,00	405.000,00	20.000,00	100.000,00	15.000,00	100.000,00
Uređenje postojeće i uspostavljanje novih poslovnih zona	0,00	300.000,00	0,00	0,00	0,00	0,00
Sanacija i modernizacija putnih pravaca na teritoriji općine	15.813,00	100.000,00	15.000,00	100.000,00	15.000,00	100.000,00
Nastavak izlaganja podataka katastra nekretnina za područje općine Ključ	5.000,00	5.000,00	5.000,00	0,00	0,00	0,00
Mjera 1.1.2. Poslovno-investiciona saradnja sa dijasporom	4.500,00	2.500,00	4.500,00	1.500,00	4.500,00	1.500,00

Organizacija Dana dijaspora i poslovno-investicionog foruma	3.000,00	1.000,00	3.000,00	1.500,00	3.000,00	1.500,00
Info dijaspora	1.500,00	1.500,00	1.500,00	0,00	1.500,00	0,00
Prioritet 1.3. Unaprijeđeni turistički potencijali na području općine	45.613,00	57.000,00	2.000,00	10.000,00	2.000,00	10.000,00
Mjera 1.3.1. Razvoj turističkih sadržaja	2.000,00	10.000,00	2.000,00	10.000,00	2.000,00	10.000,00
Izrada plana korištenja kompleksa Stari grad Ključ	2.000,00	10.000,00	2.000,00	10.000,00	2.000,00	10.000,00
Mjera 1.3.2. Razvoj turističke infrastrukture	43.613,00	47.000,00	0,00	0,00	0,00	0,00
Razvoj planinarskog turizma	2.500,00	9.000,00	0,00	0,00	0,00	0,00
Razvoj ribolovnog turizma	0,00	8.000,00	0,00	0,00	0,00	0,00
Urbanističko uređenje gradskog jezgra	41.113,00	30.000,00	0,00	0,00	0,00	0,00
SC: 2. Uspostavljeni funkcionalan društveni sektor, dostupnost i pouzdanost svih javnih usluga	86.500,00	251.500,00	82.500,00	241.500,00	35.500,00	198.000,00
Prioritet 2.1. Stvoreni uslovi za kvalitetno obrazovanje	4.000,00	40.000,00	0,00	30.000,00	0,00	0,00
Mjera 2.1.1. Unapređenje obrazovne infrastrukture	4.000,00	40.000,00	0,00	30.000,00	0,00	0,00
Adaptacija i sanacija potkrovnog dijela Stare gimnazije iz austro-ugarskog perioda	4.000,00	10.000,00	0,00	0,00	0,00	0,00
Rekonstrukcija objekta OŠ „Sanica“	0,00	30.000,00	0,00	30.000,00	0,00	0,00
Prioritet 2.2. Unaprijeđeni organizacioni, prostorni i materijalno-tehnički uslovi za kulturne i sportske aktivnosti građana i podrška mladim	2.500,00	3.000,00	2.500,00	3.000,00	2.500,00	3.000,00
Mjera 2.2.2. Razvoj kulture	2.500,00	3.000,00	2.500,00	3.000,00	2.500,00	3.000,00
Upoznaj svoje korijene	2.500,00	3.000,00	2.500,00	3.000,00	2.500,00	3.000,00
Prioritet 2.3. Unaprijeđen rad uprave sa akcentom na sigurnost građana	27.000,00	191.000,00	27.000,00	191.000,00	27.000,00	191.000,00
Mjera 2.3.1. Pобољшanje sigurnosti građana	27.000,00	191.000,00	27.000,00	191.000,00	27.000,00	191.000,00
Opremanje i obuka vatrogasaca vatrogasne jedinice općine Ključ	4.000,00	6.000,00	4.000,00	6.000,00	4.000,00	6.000,00
Zbrinjavanje pasa litalica na području općine Ključ	5.000,00	10.000,00	5.000,00	10.000,00	5.000,00	10.000,00
Uređenje i zaštita obala i korita rijeka Sane i Sanice	15.000,00	175.000,00	15.000,00	175.000,00	15.000,00	175.000,00
Modernizacija i izgradnja javne gradske rasvjete	3.000,00	0,00	3.000,00	0,00	3.000,00	0,00
Prioritet 2.4. Stvoreni kadrovski i materijalno-tehnički uslovi za unapređenje socijalne i zdravstvene zaštite i javnih usluga	53.000,00	17.500,00	53.000,00	17.500,00	6.000,00	4.000,00

Mjera 2.4.2. Uspostava novih vidova podrške socijalno ugroženima	6.000,00	4.000,00	6.000,00	4.000,00	6.000,00	4.000,00
Podrška disfunkcionalnim porodicama	5.000,00	0,00	5.000,00	0,00	5.000,00	0,00
Suzbijanje društveno neprihvatljivog ponašanja kod maloljetne djece	1.000,00	0,00	1.000,00	0,00	1.000,00	0,00
Patronažna služba pomoći osobama treće životne dobi bez porodičnog staranja	0,00	4.000,00	0,00	4.000,00	0,00	4.000,00
Mjera 2.4.3. Izgradnja socijalne infrastrukture	47.000,00	13.500,00	47.000,00	13.500,00	0,00	0,00
Da bi inkluzija bila jaka, uključiti se treba osoba svaka	0,00	4.000,00	0,00	4.000,00	0,00	0,00
Dom za privremeni smještaj žrtava nasilja, djece i mladih u različitim stanjima socijalne potrebe sa resursnim centrom za psiho-socijalno osnaživanje žrtava i usavršavanje profesionalaca	0,00	9.500,00	0,00	9.500,00	0,00	0,00
Izrada projektne dokumentacije i izgradnja Novog gradskog groblja Ključ	47.000,00	0,00	47.000,00	0,00	0,00	0,00
SC: 3.Organizovan efikasan sistem očuvanja zdrave okoline	186.852,00	805.937,00	134.602,00	631.937,00	96.575,00	550.834,00
Prioritet 3.1. Obezbijeđen sistem kontinuranog vodosnabdijevanja i upravljanja kanalizacijom	82.250,00	273.750,00	40.000,00	230.000,00	40.000,00	230.000,00
Mjera 3.1.1. Razvoj sistema vodosnabdijevanja	40.000,00	230.000,00	40.000,00	230.000,00	40.000,00	230.000,00
Izgradnja i rekonstrukcija vodovodnih sistema na teritoriji općine Ključ	40.000,00	50.000,00	40.000,00	50.000,00	40.000,00	50.000,00
Izrada studijske i projektne dokumentacije i izgradnja novog dovodnog cjevovoda sa izvorišta Okašnica do pumpne stanice Palež gradskog vodovodnog sistema Ključ	0,00	180.000,00	0,00	180.000,00	0,00	180.000,00
Mjera 3.1.2. Razvoj kanalizacionog sistema	42.250,00	43.750,00	0,00	0,00	0,00	0,00
Izgradnja kanalizacionog sistema na teritoriji općine Ključ	42.250,00	43.750,00	0,00	0,00	0,00	0,00
Prioritet 3.2. Unaprijeđen proces selekcije i upravljanja otpadom	94.602,00	401.937,00	94.602,00	401.937,00	56.575,00	320.834,00
Mjera 3.2.1. Izgradnja kapaciteta za zbrinjavanje komunalnog otpada	38.027,00	81.104,00	38.027,00	81.104,00	0,00	0,00
Jačanje tehničkih kapaciteta komunalnog preduzeća	36.027,00	63.104,00	36.027,00	63.104,00	0,00	0,00
Čišćenje onečišćenih površina divljih deponija smeća	2.000,00	18.000,00	2.000,00	18.000,00	0,00	0,00
Mjera 3.2.2. Izgradnja kapaciteta za sortiranje komunalnog otpada	56.575,00	320.833,00	56.575,00	320.833,00	56.575,00	320.834,00

Sanacija deponije Peći i instalacija sortirne linije za miješani komunalni otpad, 1. faza	56.575,00	320.833,00	56.575,00	320.833,00	56.575,00	320.834,00
Prioritet 3.3. Povećana energetska efikasnost javnih objekata	10.000,00	130.250,00	0,00	0,00	0,00	0,00
Mjera 3.3.1. Program ušteda u javnom sektoru	10.000,00	130.250,00	0,00	0,00	0,00	0,00
Utopljanje školskih objekata	0,00	126.250,00	0,00	0,00	0,00	0,00
Uređenje administrativnog objekta Jedinственог опćинског органа управе опćине Кључ u cilju postizanja energetske efikasnosti	10.000,00	4.000,00	0,00	0,00	0,00	0,00
Ukupno budžet i ostali izvori	344.278,00	1.521.937,00	243.602,00	984.937,00	153.575,00	860.334,00
UKUPNO	1.866.215,00		1.228.539,00		1.013.909,00	

Planirani projekti iz sredstava budžeta i ostalih izvora u 2025 godini iznose 1.866.215,00 KM, u 2026 godini 1.228.539,00 KM i u 2027 godini 1.013.909,00 KM.

Stanje i projekcija javnog duga

Ukupan vanjski i unutarnji dug kojim upravlja Federalno ministarstvo financija na dan 31.12.2024. iznosi 6.459,00 mil. KM. Od ovog iznosa 78,23% je vanjski dug odnosno 5.053,74 mil. KM, a 21,77% je unutarnji dug Federacije BiH odnosno 1.406,22 mil. KM.

Vanjski dug je, zbog povoljnijih kreditnih uvjeta i koncesionalnih kamatnih stopa, najvećim dijelom ugovoren s međunarodnim financijskim institucijama i bilateralnim kreditorima odnosno sa Svjetskom bankom – WB, Europskom bankom za obnovu i razvoj – EBRD, Europskom investicijskom bankom – EIB, Međunarodnim monetarnim fondom – MMF i drugim bilateralnim i multilateralnim financijskim institucijama.

Unutarnji dug trenutno obuhvaća dug nastao emisijom tržišnih vrijednosnih papira (trezorski zapisi, trezorske obveznice, obveznice ratnih potraživanja i stare devizne štednje) i verifikacijom duga

Općina Ključ trenutno ima obavezu po kreditu od Svjetske banke za sanaciju komunalne infrastrukture sektor "Vodoopskrba, kanalizacija i čvrsti otpad" (kredit se otplaćuje do 01.10.2035 godine). Obaveza po ovom kreditu sa 31.12.2024. godine je iznosila 152.772,60 KM.

Zahtjevi budžetskih korisnika za period 2026-2028 godine

BUDŽETSKI KORISNICI	PLAN	PROJEKCIJA		
	2025	2026	2027	2028
Jedinstveni općinski organ uprave	9.092.325,50	6.753.339,00	6.686.417,00	6.043.190,00
-Služba za finansije i trezor	345.035,00	364.800,00	379.715,00	395.205,00
-Služba za stručne poslove Općinskog načelnika i Općinskog vijeća, opću upravu i društvene djelatnosti	1.926.181,35	2.088.312,82	2.071.312,82	2.221.118,52
-Služba za prostorno uređenje, stambeno komunalne, imovinsko-pravne i geodetske poslove	4.770.479,95	2.709.069,50	2.539.103,53	1.676.898,75
-Služba za razvoj, privredu i civilnu zaštitu	2.050.629,20	1.591.156,68	1.696.285,65	1.749.967,73
Općinsko pravobranilaštvo	103.920,00	89.786,00	94.425,00	99.273,00
JU Centar za socijalni rad	1.338.810,00	1.425.520,00	1.448.170,00	1.484.670,00
JU Centar za kulturu i obrazovanje	353.000,00	389.026,00	369.986,00	386.315,00
JU Općinski fond za komunalne djelatnosti i infrastrukturu općine	2.105.984,50	1.918.139,00	1.963.839,00	2.031.539,00
UKUPNO	12.994.040,00	10.575.810,00	10.562.837,00	10.044.987,00

U skladu sa članom 18. Zakona o budžetima u Federaciji BiH („Službene novine Federacije BiH“, broj: 102/13; 9/14;13/14; 8/15, 91/15, 102/15, 104/16, 5/18, 44/18, 11/19, 99/19 , 25/22 I 7/25) nakon usvajanja od strane Općinskog načelnika, ovaj dokument bit će objavljen na web stranici općine Ključ i dostavljen Općinskom vijeću kao informacija uz Nacrt budžeta općine Ključ za 2026. godinu.

Broj: 01-11-2-1385/25

Ključ, 04.06.2025.godine



OPĆINSKI NAČELNIK

dr.sc. Jasmin Musić